



Broj: 01/04-14-6110-5/19
Sarajevo, 07.11.2019. godine

Na osnovu čl.70. Zakona o javnim nabavkama BiH ("Službeni glasnik BiH", broj:39/14) , a u vezi sa članom 38. Statuta Grada Sarajeva ("Službene novine Kantona Sarajevo", broj:34/08-Prečišćeni tekst), Gradonačelnik Grada Sarajeva, donosi:

ODLUKU
o izboru najpovoljnijeg ponuđača putem Pregovaračkog postupka
bez objave obavještenja o nabavci

I

Prihvata se konačna ponuda ponuđača „KLICO TRANS GRADNJA“ d.o.o. Sarajevo ul. Lapišnica b.b. od 01.11.2019. godine, u postupku provođenja javne nabavke putem Pregovaračkog postupka bez objave obavještenja o nabavci za „Izvođenje radova-revitalizacija kamenih obalnih zidova korita rijeke Miljacke pjeskarenjem na dionici Bentbaša-Ćumurija.“

II

Sa ponuđačem „KLICO TRANS GRADNJA“ d.o.o. zaključit će se Ugovor o izvođenju radova iz tačke I ove odluke.

III

Ova odluka stupa na snagu danom donošenja.

Obrazloženje:

Odlukom broj: 01/04-14-6110-2/19 od 17.10.2019. godine, pokrenut je postupak javne nabavke „Izvođenje radova-revitalizacija kamenih obalnih zidova korita rijeke Miljacke pjeskarenjem na dionici Bentbaša-Ćumurija“ putem Pregovaračkog postupka bez objave obavještenja o nabavci.

Na zahtjev za dostavu ponude za učešće u Pregovaračkom postupku bez objave obavještenja o nabavci broj: 01/04-14-6110-4/19 od 18.10.2019. godine, Ponudu br. 51/19 od 30.10.2019. godine, dostavio je ponuđač „KLICO TRANS GRADNJA“ d.o.o. Sarajevo sa ponuđenom cijenom: 107.236,50 KM bez PDV-a odnosno 125.466,71 KM sa PDV- om.

Otvaranje ponuda izvršeno je na sastanku Komisije za javnu nabavku, 30.10.2019. godine, imenovane Rješenjem Gradonačelnika br: 01/04-14-6110-3/19 od 17.10.2019. godine.

Komisija za javnu nabavku izvršila je uvid u Ponudu, te utvrdila da je ponuđač dostavio svu traženu dokumentaciju u skladu sa uslovima navedenim u tenderskoj dokumentaciji.



Poslije obavljenih pregovora sa predstavnikom ponuđača, odlučeno je da isti dostavi konačnu ponudu za „Izvođenje radova-revitalizaciju kamenih obalnih zidova korita rijeke Miljacke pjeskarenjem na dionici Bentbaša – Ćumurija“, a nakon konstatovanja Komisije za javnu nabavku da ponuđena cijena premašuje procijenjenu vrijednost javne nabavke, te je pregovaranjem dogovoreno da ponuđač dostavi konačnu ponudu u iznosu od **97.377,00 KM bez PDV-a**.

Dalje je dogovoreno da se ponuđaču izvrši uplata avansa od 30 %, uz obavezu dostavljanja bankovne garancije, te da rok za završetak radova bude 31. maj 2020. godine, radi vremenskih prilika.

Ponuđač je 01.11.2019. godine dostavio konačnu ponudu u skladu sa obavljenim pregovorima.

Nakon uvida u konačnu ponudu, Komisija za javnu nabavku, sačinila je Zapisnik o pregledu i ocjeni ponuda od 01.11.2019. godine, u kojem daje svoju preporuku Gradonačelniku Grada Sarajeva da se ugovor za „Izvođenje radova-revitalizaciju kamenih obalnih zidova korita rijeke Miljacke pjeskarenjem na dionici Bentbaša-Ćumurija“ dodjeli ponuđaču „KLICO TRANS GRADNJA“ d.o.o. Sarajevo sa ponuđenom cijenom i popustom u iznosu od 97.377,00 KM bez PDV-a, odnosno 113.931,09 KM sa PDV-om.

Gradonačelnik Grada Sarajeva prihvatio je Preporuku Komisije na osnovu koje se donosi ova odluka.

POUKA O PRAVNOM LIJEKU:

Protiv ove odluke može se izjaviti žalba u pismenoj formi, u roku od deset (10) dana, od dana prijema iste. Žalba se podnosi Gradonačelniku Grada Sarajeva, adresa: Grad Sarajevo, Gradska uprava, Hamdije Kreševljakovića 3, kao prvostepenoj instanci u žalbenom postupku.

Gradonačelnik Grada Sarajeva

mr. Abdulah Skaka

DOSTAVITI:

- Ponuđaču
- a/a